



**Politička organizacija građana "Naša stranka"**

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: [nasastranka@nasastranka.ba](mailto:nasastranka@nasastranka.ba)

Web: [www.nasastranka.ba](http://www.nasastranka.ba)

**Vildana Bešlija**

Zastupnica u Skupštini Kantona Sarajevo

Broj: \_\_\_\_/19

Sarajevo, 27.02.2019.

**Dostaviti:**

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

n/r predsjedavajući Skupštine Kantona Sarajevo

Uputiti: Ministarstvu komunalne privrede i infrastrukture

## **PREDMET: INICIJATIVA**

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Ministarstvu komunalne privrede i infrastrukture upućujem inicijativu da na osnovu člana 26. stav 1. Uredbe o uređivanju i održavanju zelenih i rekreativnih površina u Kantonu Sarajevo izvrši nadzor nad provođenjem članova 16. i 23. iste uredbe, kojima je regulisano postavljanje i održavanje informativnih panoa na dječijim, sportskim i postojećim igralištima. Također, molim da se dostavi i informacija o sprovedenom nadzoru, i to na način da se dostavi:

- a) naziv dječijeg/sportskog igrališta;
- b) lokacija dječijeg/sportskog igrališta (općina i tačna lokacija);
- c) investitor;
- d) izvršitelj radova;
- e) nadležno komunalno preduzeće kome je dječije/sportsko igralište dato na održavanje.

## **O B R A Z L O Ž E N J E**

Trenutno, rijetko koje dječije igralište ima informativni pano, iako je regulisano postavljanje i održavanje tih panoa članom 26., stav 1. Uredbe o uređivanju i održavanju zelenih i rekreativnih površina u Kantonu Sarajevo.

S tim u vezi, s obzirom da informativni panoi sadrže sljedeće iznimno važne informacije, od kojih su neke važne i za sigurnost građana i djece:

- a) naziv igrališta;
- b) namjena igrališta;
- c) podaci o spravama i rekvizitima;
- d) naziv investitora;
- e) naziv pravnog lica koje održava igralište;
- f) kontakt telefon za prijavu polomljenih ili neispravnih sprava i rekvizita;
- g) kontakt telefon Kantonalne i općinske inspekcije;
- h) napomena da se sprave i rekviziti koriste na vlastitu odgovornost;

smatram neophodnim da se informativni panoi redovno postavljaju i održavaju, kako se više nikada ne bi ponovio slučaj tragično poginulog dvanaestogodišnjeg dječaka na sportskom igralištu na Dobrinji, gdje se danima nakon pokušavalo doći do odgovornih i nije se znalo da li je igralište u vlasništvu općine i pod upravom Javnog preduzeća "Lokom", ili je za njega odgovoran Kanton Sarajevo i njegove institucije i javna preduzeća. Važno je napomenuti da je Uredba čiju izmjenu iniciram nastala nakon pomenutog tragičnog događaja, ali se ona nažalost ne sprovodi u potpunosti. Informacije poput naziva investitora, ispravnosti sprava i rekvizita, naziva pravnog lica koje održava igralište, kontakt telefon za prijavu neispravnih sprava i rekvizita, kao i kontakt telefon Kantonalne i općinske inspekcije, i sve ranije navedene informacije, moraju biti istaknute kako je i propisano.

S poštovanjem,

---

**Vildana Bešlija**

Zastupnica u Skupštini Kantona Sarajevo  
Naša stranka